

桂平縣志卷十五

紀地

壇廟 祠產附

志書載及壇廟何也將以稽人心所信仰風俗所趨向一也
路徑往來每以為標識二也因建置年代之後先可以知村
市成立之遲早三也香火盛衰殿宇華樸可以驗當時地方
之貧富及人口之多寡四也建造則捐資奉祀則施產其心
雖近於求福其事終屬於樂善述其姓氏永留簡端可以誘
濟施之情而消惡吝之俗五也有此五義則紀載不能太略
而近年作家每謂祠廟不入祀典者黜勿載此學者溺於史

桂平縣志卷十五

紀地 壇廟

一 粵東編譯公司承印

家偏狹之見知有政治而不知有風俗知有朝廷而不知有
鄉野質以孟氏貴民之旨固不相容其他主無神而欲廢祭
者則蔽於物質之粗或主一神而毀偶像者則惑於外道之
僻稍能仰觀俯察自知其言之不中於理况志乘為采風問
俗之書其存廢詳畧更不能從吾意之所好惡也今據舊志
並廣收訪册所載而以次叙錄凡列入祀典者居先次城內
外次各里其有一神數廟散處各地而名號不殊者並為叙
出以便檢覽凡舊志誤者正之略者詳之如下

社稷壇

見古蹟內者以其廟雖入古蹟門而仍載其名於本籍之者以各廟為祀典欲閱者便於攷據也

先農壇

見古蹟

風雲雷雨山川壇

龍王廟 見古蹟

雷王廟 在南江頭塘乾隆十八年建梁聖熙買受下結塘近河傍地周姓居住租錢一千文為香火費其在他處者軍陵里有列聖雷王廟宣二里有雷王祖廟吉一里有雷祖廟下秀里有雷衙廟與雷衙大廟中都里有雷祖廟 府志及訪冊

按大清會典先農壇風雲雷雨山川壇龍王廟雷王廟皆入中祀

旗纛廟 見古蹟

厲壇 見古蹟

桂平縣志卷十五

紀地 壇廟

二

粵東編譯公司承印

城隍廟 在城內慶祝街其始在小南門南向明嘉靖間醫士王瑀與甘崇儉張仁仕李傑謝宥輩因廟傾圮儲金二百餘以待時修復會二十一年知府王貞吉提議興修瑀等遂以金進貞吉因以瑀董厥事後堂中庭易舊增新左右房各三間各神像房前為儀門去五丈許為大門門左右後創廊房三間俾來往祭禱者各有所止貞吉刻碑記其事詳紀文萬歷四十一年郡守劉 佚其名 因水患民散安民捐俸集資倡修進士龍國祿有碑記詳紀文後遷入城中榕木社右乾隆三年歲戊午知縣李志斌與紳士林兆蘭梁餘林瑞劉聖昌嚴元等遷建今地以五年歲庚申落成邑人譚龍為記

詳紀文十二年林兆蘭等復請撥西山龍華寺永潔里戶租穀一千六百觔收入城隍廟戶糧米八升歸廟祝收管永爲香燈費丙戌歲知府楊大瀆知縣吳志綰捐修之

錄夏志并參攷各廟

文碑廟有三座左右兩廡廟前有戲臺自民國二年因廟窳壞

由街民修飾一次秀二里亦有城隍廟

眞武廟 見古蹟

火神廟 見古蹟

天后廟 見古蹟

按以上旗纛廟以至天后廟大清會典列爲羣祀

關帝廟 在城隍廟左一百五十步康熙十八年修雍正三

桂平縣志卷十五

紀地 壇廟

三

粵東編譯公司承印

年重修道光十五年又重修祀關羽羽漢三國時人元明宗天歷元年加封關侯顯靈義勇武安英濟王清朝雍正三年追封三代公爵設位後殿有司並祀府錄志各鄉立者宣一里三家村有武聖廟尋線村有武帝廟思蔭村有關帝北帝廟宣一里宣二里各有關帝廟其餘稱三帝三聖者關帝必在其列其附祀各廟而不列名者尤不少

文昌宮 舊名文昌閣又名文昌祠初在城北隅雍正三年陳堯賢建乾隆十九年歲乙亥知府胡南藩重修因舊壘增高九尺分兩層上祀魁星下祀文昌有碑記詳紀文其時文昌未入祀典修祀者意在循俗以培風水至嘉慶六年文昌

入祀典春秋舉事因台階陡逼有司但奉主於公所以成禮而已道光十六年歲丁酉知府興仁署知縣余繼高因八公祠故址及縣學舊址改建文昌街東接武廟擴以書院照牆宮後前凡三重旁翼以四祠左則呂祖八公右則龍猛將軍越年戊戌秋八月落成貴縣知縣陳肇波爲記邑舉人黃體正亦有記均詳紀文錄舊志府志清宣統間桂邑書院改由高等小學改爲中學堂廣收生徒苦於地狹以文昌宮爲學生宿舍而神像依然不廢惟祀典不行耳按文昌之祀至盛南門外有文昌祠各里祠廟有以三聖三帝及文帝二帝稱者皆有文昌在內蓋與北帝關帝並稱爲三帝與馮聖關聖

桂平縣志卷十五

紀地 壇廟

四

粵東編譯公司承印

並稱則爲三聖與關帝並稱爲文武二帝其立閣專祀者城內慶祝街一縣署左圍牆內一宣一里護村一其樓閣附設各廟如西山龍華寺有文昌閣宣一里萬靈廟有文昌樓之類不能一一稽也然近日香火已不如前矣

呂祖廟 在文昌宮左按呂祖於嘉慶年間改爲直省通祀惟祭品不用牲牢夏府志

馬王廟 在關帝廟左案通典仲春祀馬祖仲夏享先牧仲秋祭馬社仲冬祭馬步續通考洪武二年廟祭馬祖先牧馬社馬步之神光緒年間像毀後借作小學校一在弩灘塘府志

藥王廟

見古蹟

八公祠 在城隍廟右文昌宮左其始爲三先生祠祀宋濂溪程明道程伊川緣宋慶歷年間濂溪遊潯皇祐間二程隨父龔州任受業講學于邑羅叢巖邑人敬之爲立祠成化嘉靖間韓雍王守仁蔡經翁萬達先後平定藤峽有德於潯而毛伯溫則以出師安南不俟戎衣屬國稱臣納貢潯以近郡得免於餽饟之苦遂獲與四公同祀於是有五公祠萬歷間以王守仁增入三先生祠而改五公祠爲四公祠後兩祠俱毀合建一祠曰八賢祠旋復毀康熙間知府阿琳重建周程王之位居於左韓蔡毛翁之位居於右仍存兩祠合建之意

桂平縣志卷十五

紀地 壇廟

五

粵東編譯公司承印

有碑記詳紀文雍正間知府王勅重建四賢祠三楹居中四公祠三楹居右顏曰四賢四公祠乾隆二十年知府胡南藩以陶魯田汝成征猺有功劉臺著節諫垣均宜立祠迺遷祀周程於潯江書院歸王守仁於四公祠益以田陶劉額爲八公祠陳肇波有碑記詳紀文八公中劉臺事跡具見劉公祠其餘均見紀事祠址故廣道光間立文昌宮多割祠內地址建造而以八公祖呂祖爲左翼見文昌宮條

本節撮舉祠中諸碑大要

附攷

粵西文載八公祠在城隍廟右祀明韓雍陶魯王守仁蔡經毛伯溫翁萬達田汝成劉臺八人有四公祠祀韓雍蔡

經毛伯溫四人知府王貞吉有碑久燬又有三先生祠在府學內祀宋周子及二程子後移於書院並祀王守仁舊有五公祠祀明韓雍毛伯溫翁萬達蔡經王守仁萬歷間以王守仁增入三先生祠改爲四公祠後兩祠俱毀合建一祠曰八賢祠尋復毀國朝康熙間知府阿琳重建雍正間知府王勅又分爲二乾隆二十年知府胡南藩遷周程三神主祀潯陽書院增祀陶魯田汝成劉臺改爲八公祠

府志

忠義祠 在文昌宮右同治丁卯年知縣徐延旭暨本城團練局紳士周溯賢李運昌劉惠中蔡長年賀階平等商建祀

桂平縣志卷十五

紀地 壇廟

六

粵東編譯公司承印

咸豐乙卯間官紳士女練勇丁壯之陣亡或殉難者又以大南門之太僕寺尙未修復奉劉太僕權祀其中而凡附祀於太僕寺者亦皆移附於此邑紳黃炳筠有鼎建忠義祠緣起詳紀文祀田購於同治辛未之冬坐落潯城外馬王塘村杉山脚其地田成段一連六十四餘坵並無插花計下穀種六斗以有坑水長流灌溉經建祠各紳用充公花銀五十兩與該村宋樹林當受每年租穀九百勛佃戶送交值年首事歲納宋樹林戶糧米二升一合五勺地丁銀一分三厘九毫

劉太僕祠 在大南門街之左南向舊志報國寺右舊名報恩寺

夏府志 先是雍正三年知府陳堯賢創建忠義祠置祀田祀

康熙間死事知府劉浩暨四子附祀者平南知縣周岱生典史武佐鼎乾隆十八年知府胡南藩重建改名太僕祠爲堂二後寢堂分立二龕劉公位中四公子偶侍左龕爲周公右稍退爲武公前享堂又前門垣糾工並增置祀田有碑記道光六年知府孫世昌重脩有碑記詳紀文錄舊志并參攷廟碑同治丁卯年祠毀未復權移置新建忠義祠中見忠義祠按祠田自乾隆二十三年署知縣蒲浩文勘丈買藍天章戶田一段計一百二十八坵丈得稅一十二畝九分五厘五毫徵銀七分米七升又買黃毓舜戶田一十二坵丈得稅六畝五分二厘徵銀四分八厘米八升併前陳守所買黃毓煥戶田二十九坵丈

得稅八畝二分六厘五毫徵銀五分六厘米八升共田一百六十九坵二十七畝六分九厘徵銀一錢七分四厘米二斗三升繪圖造冊立劉少卿戶詳報在案府志

府名宦祠 見府學宮

府鄉賢祠 見府學宮

縣名宦祠 見縣學宮

縣鄉賢祠 見縣學宮

忠義祠 在學宮左雍正二年知縣周鎬建祀明李嘉言吳紹祖馬文祥蔣學成馬堪陳文明陳志亮陳欽陸南金清劉浩及其殉難四子與羅光臨劉萬宣劉派洪劉傳恭黃毓奇

謝天佑等十六人

按忠義祠有四一劉太僕寺舊名忠義祠一同治丁卯年在文昌宮左新建忠義祠一縣學宮忠義祠皆有劉浩在內又一爲宣二里忠義祠

節孝祠 在東華寺其始在縣學宮右祀明甘李氏周李氏暨清黃謝氏黃楊氏李覃氏黃葉氏後移建大南門內西偏堂上光緒丁未年毀後遷今地

舊志并訪冊

按夏志府云忠義節孝二祠在縣學宮雍正二年周鎬建祀明甘李氏坦然妻黃熊氏夢熊妻黃謝氏毓英妻李黃氏陳甘氏六人既以忠義節孝合稱而所載祀主乃有節

孝而無忠義此採訪者之疏而載筆者未加察也其與舊志異者則舊縣志有關李氏李覃氏而府志無之添入李黃氏陳甘氏不知何時所更定又不知因何事而改變俱未叙明殊難索解又舊志作於道光已載及遷建事府志脩於光緒反闕而不登亦爲疏漏又查列女傳夢熊妻是楊氏非熊氏當以舊志爲合

將軍廟 在文昌宮右祀劉猛將軍道光丙申知府興仁桂平知縣余繼高建將軍功在除蝗故祀之事詳陳肇波新建潯郡將軍廟碑記見紀文清宣統間借作桂平中學堂宿舍

龍神廟 在文昌右將軍廟後又一在潯郡中學堂左旁 舊探

志并冊訪

錫麟庵 在文昌宮左現為城廟保衛局

正覺庵 在府後街左巷康熙十九年邑紳劉派洪捐建知

府孟禮有裝塑佛像碑記乾隆十二年貢生劉聖昌等暨住

僧法榮重建 舊志

魁星祠 在府衙街北城上雍正三年知府陳堯賢建乾隆

間知府胡南藩重修 舊志

娘娘廟 在府署後 府志 卽今鎮守使署後大榕樹下

北帝廟 在北城上清風樓知府胡南藩修 府志 一在西關外

桂平縣志卷十五

紀地 壇廟

九

粵東編譯公司承印

康熙二十九年建四十年都司指揮李某請廟後官地為香

火費乾隆間修道光九年重建各里中秀上都中都皆有此

廟宣二有北帝祖廟武平吉一有真武廟 真武廟 昌關羽稱三帝與文

三元宮 在西關北帝廟康熙四十四年建四十五年舉人

楊日盛等買受東門下渡頭一所租錢三十千文送作香燈

收立齋三官戶糧米四斗八升七合七勺差銀七錢六分乾

隆三十年脩道光二十三年貢生藍兆麟重脩有碑記詳紀

文 府志

開口廟 在西關梁聖照買受下結塘附近竹圍地址居八

間租銀一兩為香燈費 舊志

玄壇廟 在南門頭塘外 志舊

文昌祠 在城外南江邊清借為厘金總局即今常關 冊訪

三界廟 在南門外粵東會館左 舊志云在天后廟左今天后已毀故以會館標界

康熙初年建八年設戲臺知縣孫以敬為記雍正九年高尙

壁等重修封遊天得道三界乾隆二十八年紳士里民捐造

內殿樓戲臺 志舊 攷貴縣志三界姓馮氏諱克利子遠皆緣仙

衣之傳故馮氏代產異人列籍鬼仙有馮羽馮谷谷之子名

都長皆得道九代孫石吉者於康熙庚子歲得道邑人并立

三界克利暨都長吉塑像奉祀地方官朔望拈香云是為三

界畧史縣自南門外軍陵上渡頭宣一里大黃江宣二里及

桂平縣志卷十五

紀地 壇廟

十

粵東編譯公司承印

新墟彩村中秀里周塘村下都里鳳岡村秀一里下冲村暨
厚祿里內俱有其廟宣二秀一里及上北門有馮聖宮永和
里有馮爺廟諸寺字稱三聖者克利與焉各鄉每歲二月社
日前後輒至貴縣三界祖祠迎神歸所在廟求雨輒驗

馮聖宮 在城北門外事蹟見三界廟 以上俱本舊志府志增改

盤古廟 在永和里祀盤古盤古獠族名槃瓠盤槃同聲古

瓠叠韻也攷後漢書槃瓠為高辛氏畜狗帝以其銜吳將軍

頭於闕下有功妻以少女生子孫為南蠻始祖此人類輕蔑

異族之詞帝女妻狗事未必然而獠族祀盤瓠則近見而可

信也縣內自明前多為獠族所居故鄉中多盤古廟漢族遠

來亦效而祀之如軍陵里之腊嶺灘頭大坑窟鍾村宣二之
界洞孔村下都秀二里俱有此廟又軍陵里門口村之三聖
宮吉二里霄騰村之三申寺皆有盤古像不獨永和里而已
附攷

石湖范氏桂海虞衡志云獠本槃瓠之後又云歲首祭槃
瓠雜揉魚肉酒飯於木槽扣槽羣號爲禮

省志粵西郡縣往有盤古盤廟盤古廟之稱蓋苗氏爲盤
瓠之後故羣祀之音訛轉爲盤古耳

閩叙粵述云粵西獠獠種數各殊相傳爲盤瓠苗裔桂林
等府俱有盤王廟獠獠祀爲始祖其土官韋姓乃韓信子

孫也云方呂后擒信時舍人負其幼子求救於蕭何何泣
下乃作書屬南粵尉佗撫之子孫因以韋爲姓其何書尙
存土司余見張和仲遂所輯千百年眼一書曾載此說而
鍾竟陵亦附之鑑末第漢法踵秦之慘酷彼高祖時敢與
佗通書耶存此以質博雅者

府志

新義錄云盤古廟鄉落間多祀之或以爲槃瓠之訛案後
漢書高辛有犬戎患募得犬戎吳將軍頭者賜金千鎰邑
萬家妻以少女帝畜犬名槃瓠入山銜一首至果吳也遂
妻焉生六男六女爲武陵蠻之始祖杜君卿駁之云黃金
古以斤計秦始曰鎰三代分土漢始分人古安有萬家之

封將軍周末官吳周末姓古無是也蓋盤古本粵產兩廣

盤姓皆其裔則不得以為槃弧也明矣見貴縣志按槃

以今語無可疑粵述亦第疑韓信子孫之說而不疑槃
弧唐代欲異族歸化故杜氏有駁詞求混人類種見耳

義興寺 在趙里蒙墟乾隆年建

建寧寺 在趙里林村三座三間開雍正九年重修創建無

攷

玉虛宮 在趙里蒙墟

興賢寺 在趙里新墟

義祠 在趙里蒙墟光緒年間建以祀旅客死而無歸者

永豐寺 在趙里流瀾村厚祿中都里亦有此寺各一

桂平縣志卷十五

紀地 壇廟

一一

粵東編譯公司承印

穀山廟 在趙里古城村 以上俱訪冊

盤古廟 在趙里舊施村之左與烏楊村界

泰安寺 在甫里官橋墟旁

鎮龍寺 在南里福龍村又一在全塘村厚祿下秀秀二里

皆有此寺

寧豐寺 在甫里獅頭村

甘王廟 在府城東北隅一在城北門外二十五里弩灘上

一在城四穿樓 甚小不一 一在宣二里風門均甘王事跡詳弩

灘廟

東華寺 在西竺寺右康熙癸卯僧會機募建其徒了乘置

祀田坐落新庄村地面插花買受大宣一里二冬陳宗邏戶糧米八斗四升五勺七抄差銀一兩三錢五分八厘租谷二千八百觔入東華寺戶又置寺前魚塘一口今寺爲忠孝貞烈祠所有寺產歸合邑賓興管理作桂平中學校經費

西竺寺

卽西竹菴

在東華寺左北向康熙七年僧祖達建五十年僧方印修里人羅三元謝顯奇羅一綸各施有田羅三元施永和里自納羅然學戶額米一斗八升差銀二錢七分七厘謝顯奇施大宣二里麻車村薄尾供報自納謝君錄戶額米一石差銀一兩六錢羅一綸施菴前小塘一口自納衛羅宋廷戶糧米七升差銀四錢二厘三戶共租九千斤

桂平縣志卷十五

紀地 壇廟

一三二

粵東編譯公司承印

玉虛宮 在小南門外西街

水月宮 又名觀音堂在南關大碼頭上舊有僧人光緒末年散矣

唐御史李公祠 原名廣祐廟又名郡主廟又名李侯祠在西山洗石菴前偏右東向上中下三座右有廚房久已圯斷壁僅存祀唐李御史佚其名字明遠舊志及諸碑刻皆言郡昔患虎民禱於神虎死廟樹間而不知其事在何時廟之創建無攷舊云宋封西山郡主廣祐靈獲王

據李秀所立碑一勅封爲西山郡主

廣祐靈護王而第二勅封在何時尙待稽攷 當時郡守姚駕部曾

重新其廟張通守繼之則縣內各祠廟之建而存於今者以

此爲最古至明世獠奔潰廟爲所燼有竊灰中斷礎者神附語云平獠有日吾將復宅竊者懼還礎故處正統三年十月安遠侯柳溥入鎮八桂咨參將田汝成率兵征獠建牙西山之麓令出而獠人納款獻俘若有神助竊礎者言果驗廼重建斯廟黃潤玉有記詳紀文歲久漸湮成化元年冬參將孫震復因獠潛發屢沐神祐獲功甚衆捐捧重建陳宣爲記詳紀文清順治間祠毀像存十七年巡按御史重建有碑記詳紀文乾隆九年僧心鏡募修撥龍華祠租永和里永潔戶糧米七合每年租穀若干石爲香燈費道光五年知府孫世昌重修有記詳紀文攷神之誕在唐咸道九年三月二十

桂平縣志卷十五

紀地 壇廟

一四

粵東編譯公司承印

二日故黃潤玉記云生日士女駢集爭獻牲幣然百數十年來未聞有此祀事得母以洗石菴龍華觀音諸巖寺香火旣盛而斯廟乃冷落耶廟無司祝以洗石菴住持僧代理香火同治壬戌年與洗石菴乳泉亭一併重修張榮組有序

錄舊志並

參攷各碑文

按廟自孫世昌後未經修民國夏正丁巳桂平鎮守使韋

榮昌獨力修復

訪冊

洗石菴 在西山郡主郡祠後左偏山之下寺也順治三年僧海籌募建康熙三十八年修官橋胤繩等捐田與券付僧文秀管理又買太平街上股瓦舖二座議租益之雍正乾隆

相繼修葺久而頽焉嘉慶十四年邑人吳才略倡捐大有規模貢生麥賢爲記文今佚時有不解洗石之義欲易菴名者麥以方端士文示之遂不果寺之形式詳西山寺僧爲禪自曹溪來康熙間有僧宏韜潛心內典祀田坐落沙江村白雲洞大小七十畝並無插花價銀二十六兩糧米二斗差銀一錢

住持輸納

舊志並新

龍華寺 舊名龍華古寺題額尙在寺內寺在西山洗石菴上故又名上寺創建無攷詢之寺僧云始祖於康熙間由廣東南華寺來此開山則寺之建當在清初乾隆二十四年知府胡南藩捐資僧簡堂重修咸豐乙卯寇燬癸酉重脩寺之

桂平縣志卷十五

紀地 壇廟

一五

粵東編譯公司承印

形式詳西山祀田撥永和里永潔戶糧米七合又永潔戶差銀三錢九厘七毫一絲米二斗二升又一坐落宣二里永潔戶差銀一兩四錢八分二厘糧米九斗二升八勺共租穀一萬三千六百觔舊志按龍華寺租乾隆九年撥入李御史祠若干石糧米七合十二年撥入城隍廟千六百石糧米八升皆見前民國六年兩廣巡閱使陸榮廷捐資倡脩西山廟宇於文昌閣左右添構東西小廳以邑紳董其事工已竣

三賢祠 在厚祿里羅叢山相傳宋皇祐間河南程大中晦刺龔州二子頤與顥從侍延師濂溪周敦頤雅好山水聞羅叢岩洞奇絕自龔來遊命二子挾書冊築台授受其上後人

景仰高山建祠奉祀日久祠頹雍正癸丑知縣傅輝文重修
乾隆十八年甲戌黃琦有羅叢岩記叙其事詳紀文五十年
丙午重修嘉慶三年己未太學蔣璠倡修大拓舊址建講堂
二進東西兩廊及外照牆爲讀書精舍不下二十間舉人李
開蕙有重建二程夫子講堂記詳紀文庚午又重建道光十
六年庚寅同治七年戊辰均重修光緒十四年戊子重修照
牆前置提風塔講堂內有拔貢黃部揀題聯云孔顏樂趣知
何在風月歸時想此間知縣李如林云脈接尼山亘古宗風
傳雅訓道光粵嶺邊陲正學仰鴻儒學使鈕福保云春風與
瑞月祥雲聞詩學禮趨庭處粵嶺之水巖石室此道人心紀

桂平縣志卷十五

紀地 壇廟

一六

粵東編譯公司承印

庶餘學使李成霖云在昔趨庭有父子兄弟之樂於今遺跡
見知仁山水之風知府王賡榮云性理有遺書道學遠承孔
孟羅叢垂教澤人文長被薰陶學使趙以烱云孟氏來統緒
無傳天運啓河南道學一門昌聖教炎宋後徽音丕著人文
開嶺表馨香百代作儒宗又有題石柱一聯不知姓氏蓋亦
本邑先達所作也聯云吾道猶存自昔同欽洛水伊人宛在
於今共仰羅叢

訪冊兼
致廟碑

北府廟 在厚祿里嶺尾村明成化年間建清道光十六年
重建光緒二十五年重修祀北府公及陳榕門恩貢生楊開
伯有重建北府廟記詳紀文

訪冊並
致廟碑

按北府名義廟碑不詳原委今攷潯州夏府志載平南縣北府廟在縣城外二甲街祀宋時李鈴轄能驅虎有功於民廣右所在多祀之俗呼爲太歲神嘉慶八年重修按李鈴轄即李師中據續通攷宋仁宗時師中爲廣西提刑積薪焚石鑿通靈渠其他善政甚多邊人爲之畫像立祠祀之桂林府建置李師中祠卽北府是然北府二字來歷未能指出及觀謝蘭生廣東人北府廟碑記稱舊謂北府廟神嘗驅虎而民獲甯字廟臨龔江民不病涉有禱焉應如響廟祀之久遠固宜又云神李姓生於宋餘無攷然神能出其威靈以保障一方必有大功德於民歷劫不可磨滅者

桂平縣志卷十五

紀地 壇廟

一七

粵東編譯公司承印

按北府典軍之職魏晉以來有北府都督如漢之北軍唐之北衙皆典禁兵而居軍府者也又令公爲軍帥尊稱俗呼神爲大靈公靈與令音近而譌又加大字其上者耶然則神之生必爲貴顯軍帥云云此爲北府來歷然蘭生未敢定其神爲宋之李師中也姑各存其說以待攷

輔龍廟 在厚祿里土寨村康熙二十八年鼎建道光六年歲丁亥重建二十四年歲乙巳又重修廩生盧政榮有記詳

紀文

訪冊兼
碑

四聖宮 在厚祿里白沙墟瀕大江乾隆二十三年歲次甲辰鼎建道光二十年歲辛丑重修同治二年歲癸亥重修歲

貢生嚴拔凡有記詳紀文

冊訪

南陽寺 在厚祿里陳村舊名四洲堂在村面建自前明清康熙四十二年歲戊子遷村背嶺坐東向南易名南陽寺祀三清羅漢諸佛像乾隆三十八年歲甲午黃居中等重建易三清而祀炎帝文昌關帝兼祀北帝大士陳璵有記詳紀文

訪冊兼
攷碑記

鎮龍寺

在厚祿里安担村順治十六年建後重修數次道

光十二年重建

新聖廟

在厚祿里下畚村明萬歷四十年建重修數次

福興寺

在厚祿里安擔村明成化九年建嘉靖四十年崇

桂平縣志卷十五

紀地 壇廟

一八一

粵東編譯公司承印

禎十七年清雍正十三年均重建下秀里亦有此寺

永豐寺

在厚祿里盧村明嘉靖年間建重修數次清同治

十一年重建

鎮興寺

在厚祿里新屋村明宏治元年建重修數次道光

二十年重建下秀里亦有此寺

興寧堂

在厚祿里山巷村明成化十六年重修數次清康

熙三十九年重建

三界廟

一名百子廟在厚祿里顧村創建無攷清乾隆六

十年重建道光十五年重修

三官寺

在厚祿里顧村清同治六年由舊址遷建

興隆寺 在厚祿里石門村明嘉靖四年建重修數次清光緒元年重建瀕大江

旺安寺 在厚祿里良美村清乾隆四年庚申歲建光緒二十一年乙未歲重修

保寧寺 在厚祿里大良村明成化十三年建清順治十年康熙六十年道光十年均重修

玉皇廟 在厚祿里雙井村乾隆十五年重建軍陵宜一姜里皆有此寺

廻龍寺 在厚祿里尋貴村明萬曆十五年建清乾隆四年

道光二十三年均重修秀一里有廻龍寺三廻龍廟一

顯南廟 在厚祿里敬蕉村乾隆二十年建道光十三年修

桂平縣志卷十五 紀地 壇廟 一九 粵東編譯公司承印

太寧寺 在厚祿里長山村乾隆二十六年建重修數次吉

一下秀姜里皆有此寺

鎮安寺 在厚祿里田竇村軍陵下秀亦有此寺廟各二間

太和寺 在厚祿里厚祿村乾隆十四年建道光十一年光緒元年均重修

文武帝祠 在厚祿里厚祿村道光十一年建

興隆寺 在厚祿里信圭村嘉慶十年建

太元寺 在厚祿里黃塘村建於明代清重修數次以上各寺廟均

冊據訪

萬安寺 在厚祿里龍村瀕江

護民寺 在厚祿里雙井村 府志

龍安寺 在厚祿里土寨下畚二村之龍岩山山有七巖一

名龍安宋淳熙元年創建寶勝院清乾隆間楊作棟捐貲重

建因岩之左修觀音堂建月門設僧室中列三清西奉三寶

進士曹兆麒有記詳紀文 參錄舊志碑文

保龍寺 在武平里石龍墟嘉慶五年建地當桂貴兩縣之

衝諸山環繞兩水交流寺前為福壽橋路接貴縣右為迎陽

橋路入桂平道光七年里人倡議修寺及迎楊橋越兩年告

竣舉人譚蛟有記 訪冊碑文

按譚記作於道光而文中有云是寺創於嘉慶乙未迄今

桂平縣志卷十五

紀地 壇廟

二十

粵東編譯公司承印

三十餘年則創建當在嘉慶初年攷嘉慶三年為己未非
乙未其餘各年亦無稱乙未者訪冊云嘉慶五年則又屬
辛酉而非乙未蓋譚記所言乙未為己未之誤訪冊五年
建者蓋就落成後立碑時言之其創議則在三年也

仁潭寺 在武平里那蓬村東二里許創建於明代重修於

清初道光十年重建同治七年重修三座三間開舉人黃如

暄有重建仁潭寺暨佛子新客二橋記詳紀文 訪冊

滿陀寺 在武平里寺面村邊南向寺當全里中心為全里

公建康熙間重修乾隆元年丁巳歲四十年丙申歲均重修

嘉慶十七年癸酉歲重建道光二十三年甲辰歲重修創建

無攷大約在明代三座三間開

三合寺 在武平里思淋村康熙丙子年建雍正十三年道光二十四年同治五年光緒二十年均重修

鎮風寺 在武平里上黃村雍正五年建重修數次

鎮對寺 在武平里良山村道光二十三年甲辰歲建

五帝寺 在武平里想思村創建無攷

以上俱訪冊

鎮海宮 在縣南軍陵里下渡頭坐南向北創建道光元年

重修光緒三年楊宗達楊德莫觀德等復重修

三境寺 在軍陵里臘嶺村建於明天啓年間兩坐兩廊南向

盤古開元廟 在縣南軍陵里臘嶺村坐西向東創建無攷

嘉慶四年己未盧耀炳何社培黃君亮等重修

盤古廟 在軍陵里鍾村坐北向南創建無攷舊在廟門峇

乾隆丙辰浮水傾毀辛亥李文惠等修復移建現處嘉慶丁

丑水復傾毀道光丁亥林保華等復修建

盤古廟 在軍陵里灘頭村創建年月無攷道光十八年重

建又一在大坑窟

列聖雷王廟 在軍陵里灘頭村舊在村之東旁向祀雷神

嘉慶四年移建今地增祀文昌關聖華光各神光緒二十二年唐林進梁兆節黃志通等重修

金安寺 在軍陵里灘頭村奉祀三寶觀音玄武馮克利諸神同治二年黃志通馮顯楠梁燕榕重建寺一連三座

鎮安寺 在縣東七里軍陵里洋欄村坐南向北道光三年重修

鎮安寺 在石窰村坐西向東原名福歸寺里人梁景祚作碑記畧云訪諸故老道路傳聞始在村心之內繼遷脊嶺之旁道光五年徙於甘窩嶺碑碣猶存福歸之名仍然無異歷年多而棟宇牆垣摧毀諸父老以遷地爲良別尋基址界在村旁養義田募建重宇改名鎮安以同治八年冬十月肇工越九年夏五月十六日竣事倡者李枝龍馮遂同馮邦潤

桂平縣志卷十五

紀地 壇廟

二二

粵東編譯公司承印

鎮安廟 在縣南軍陵里祿嶺村獨州山坐北向南道光庚子間梁金瀚梁文英黃樹清黃樹英建造

伏波廟 在縣東七里軍陵里洋欄村坐南向北奉祀伏波將軍及馮克利北府公像嘉慶九年林漢淳林漢忠吳以翔重修

伏波廟 在縣東十里軍陵里下嶺村南大榕樹下咸豐間有香爐隨潦浮來村人撈置榕樹溪邊周以低垣瓦蓋其上禱之輒應同治十一年馮天淇程大麟梁漢全等迺創建成廟光緒十二年仲夏程漢深韋金壽梁漢金重修上座靠樹下座跨溪澄波映宇南薰徐來頗饒清景今下座已毀重修

者乃填溪爲臺無復舊時佳勝矣

萬安寺 在縣東四里餘軍陵里甕窰村奉祀佛三寶觀音
玄武關羽康熙初年創造乾隆末年重修嘉慶四年馮聖輔
馮涇源梁材朝重修同治十三年楊德盛馮唐煥李建書重
修光緒間馮開善等重修

五穀廟 在縣東六里軍陵里嶺岡村坐北向南光緒六年
黃兆宗黃舒漢黃彩彰重修廟額爲里人程石麟書

萬壽寺 在城南十里軍陵里覃放墟旁創建不知何時據
寺前碑自萬歷四十五年脩崇禎九年復脩其創脩之人亦
無可稽清雍正十一年里人梁彬以寺兩旁前後無餘地因

舍畝地一所入寺乾隆十五年歲乙巳舉人程道光集衆重
修上座創建下座左右添設兩廊由是遠近禮神者彌衆道
光二十五年里人梁焯超梁金中李應南等募緣重修有碑
記其事舉人林鳳鳴書額咸豐間陳開據縣城土匪蜂起里
人於寺旁築營名福壽堡以作防衛光緒癸卯年重堊右廊
爲第一區小學堂並重彩佛像寺北向前後左右古樹森陰
頗饒風景

萬壽寺 在專福嶺東北竹翠嶺坐北向南上下兩座上座
供奉三寶佛左觀音諸像舊在中山村道光八年白石瑛李
運陞等移建今地下秀上下都秀一里均有此寺

新王廟 又名藥王廟在軍陵里專福嶺坐東向西上下二座創建無攷乾隆辛卯冬月里人梁梓堅黃御漢黃振才李達進等重修三十六年李陞白海清郭如蕃等重修嘉慶丙寅陳經梁梓中郭城中重修道光九年李社祐梁義視重修同治二年黃濟清郭大暖陳觀太重修

新王廟 在軍陵里額冲村上下二座左右廊各一內奉萬歷王不知其何所本道光八年林火保黃道陞黃宗志重修光緒二年黃炎球黃柏森黃枝芳重修創建年代無攷

糾察廟 在縣東軍陵里洞心與石窑河附近上下二座左廊一內供神像二有一爲婦人像創建無攷自乾隆丙申已

傾毀而農人求雨輒應嘉慶七年冬十月梁樹祖陸梁金梁金橋等重修

莊主廟 在縣東軍陵里馬脚嶺上下二座相傳乾隆間有湖南秀才莊姓者死於廟地農人耕田常見有馬出而遊行踪之則杳咸以爲莊秀才顯靈嘉慶十一年梁英宗梁繩宗高國祥等遂爲建廟同治五年光錦揚李錦堯梁雲等重脩每歲春秋間農人輒屠牛祈穀於此

三帝殿 在經東十里軍陵里專福嶺坐西南向東北上下二座右有橫廊上座供祀眞武關羽文昌左右有華光玄壇像創建無攷嘉慶六年錢知縣高捕廳與里人譚廷琦梁上

卿等重修道光二十三年陳昌言陳宣文與里人譚輝等重修光緒二十年譚逢時陳芳梁兆光重修並置陰庭門前置土臺旁圍以石

三帝殿 在縣東軍陵里門口村相傳建設始於明代嘉慶四年村人陸赤容梁廣威梁定祁重修坐西向東上下二座左有廊一奉祀關羽玄武文昌

三聖廟 在軍陵里門口村南之沙石嶺坐北向南內奉關聖文昌馮克利及盤古雷王等像初有上下二座嘉慶八年梁容培梁林珍梁端嚴重修增廣頭門加整兩廡

三聖宮 在軍陵里石窰村上下二座坐南向北李良魁溫

鳳光程文達等建造宣二里亦有二聖

東府廟 在縣東軍陵里門口村坐北向南兩座兩廊內奉之神不知爲何時人但稱曰東府大王同治二年程鳳鳴陳嘉謨程翰飛黃淳葉等因是處有土神求雨輒應遂爲立廟十一年陳葉礦黃廷珍程序等重修

東府廟 在縣東軍陵里文冲村坐西向東上下兩座嘉慶元年光廷綱光廷組光廷潤重修光緒八年光嚴衣黃熙槐光鎮藥重修

登科廟 在軍陵里秧塘村上下兩座坐南向北內祀穀神雷王三界乾隆四十八年卜敏求甘振光盧銜真建造嘉慶

十一年盧大橋李晉華甘海揚重修

聖帝寺 在軍陵里大們村坐北向南內祀五帝觀音北帝

光緒十五年梁耀黎顯邦黎燕邦重修

三聖廟 在軍陵里大吉磊兩座坐北向南乾隆十年建造

光緒十五年馮信祥周昌二黃土照重修 以上俱補訪

金安寺 在縣南軍陵里舊福南墟

金銀寺 在縣東吉一里沙衣村

真武廟 在縣東吉一里嶺尾村

永甯寺 在縣東吉一里白竹村

霄華寺 在縣東吉一里竹山村

桂平縣志卷十五

紀地 壇廟

二六

粵東編譯公司承印

鎮方寺 在縣東吉一里伏化村

鎮寧寺 在縣東吉一里村肚村中秀秀一里各有鎮廟

四官廟 在縣東吉一里伏化村

三教寺 在縣東吉一里橫嶺村上秀里亦有此廟

雷祖廟 在縣東吉一里馬皮墟

三帝廟 在縣東吉一里社坡社坡墟奉祀北帝武帝文帝

創建無攷乾隆初間重修嘉慶乙未又重修越四十餘年知

潯州府桂平縣事魯東張汝羸重修有序詳記文

石鏡寺 在縣東吉二里小汶村

通寶寺 在縣東吉二里王母村

三界廟 在縣東吉二里平安村

廻瀾寺 在縣東吉二里碑塘村

通寶寺 在縣東吉二里理村

廻寧寺 在縣東吉二里理村

太平寺 在縣東吉二里平村

平陽寺 在縣東吉二里萬謝垌村

三申寺 在縣東吉二里霄騰村其始里內有列聖盤古雷

王三廟各為一所乾隆初三字就湮乃移遠就近合三為一名曰三申歷數十載寺傾嘉慶丁巳增設魁星龕於前復從西殿設祀文昌關聖像道光十九年區瑋和廷氏倡首重修

桂平縣志卷十五

紀地 壇廟

二七

粵東編譯公司承印

並撰序詳紀文

以上皆探訪冊

按三申疑為三神之轉聲

太安寺 在縣治東四十里馬皮墟北南向上下兩座各三間左右兩廡各二間左右兩廂各一間建無攷清康熙四十九年里人潘應斗遷建於此乾隆二十五年里人黃珍等重建嘉慶八年里人黃子雲等修同治十三年墟人李臣昌等重修

鎮坊廟 在縣東四十五里馬皮墟十五里上佛子村邊東

向兩座各三間

淮源寺 在縣東四十五里馬皮墟北六里荷茂村東邊西

向兩座各三間有左廊清道光二十一年村人武生黃建中

等建光緒四年黃龍光等遷建於石狗潭面東向仍然兩座
三間有左廊

泰寧寺 在縣東四十五里馬皮墟北十里水秀村北邊東
向兩座各三間左右兩廊明天順二年村人陸雲監等建天
啓五年陸道憲等修清嘉慶三年陸元燕等重修

鎮安廟 在縣東四十五里馬皮墟北十五里上佛子村邊
東向兩座各三間左右兩廊

三帝廟 在縣東三十五里馬皮墟南八里橫嶺西端上下
兩座各三間右廊亦三間創建無攷清乾隆四十七年村人
辛姓者增修道光十三年邑庠生辛學錦等重修未久村人

辛殿基等又重修同治二年歲貢生辛鑫熙等重建光緒二

十二年曾德隆等重修

訪以上冊

三教寺 在上秀里大嶺大良龍塘龍山嶺寧楊村大塘大
井高塘九村之間九村人往來道均處地名鰲魚嶺寺創始
於前明之嘉靖重建於天崇清乾隆五十七年重修舉人李
開首有序同治九年重修舉人李人鶴有文皆詳紀文此廟
舊名三寶寺寺有重修三寶寺引云去城四十里之羅卷村
原有三寶寺一所廳事前奉聖諭講鄉約諸村父老子弟羣
而聽之其改名三教不知何時九村舊名羅巷村清初因亂
遷散爲九寺創建重修皆九村人爲之

會真觀 又名清真觀或名三清觀在白石山室天然蓋宋時之陽明觀也有宋太宗御書又有三清觀古碑未見

府志白石

山在中秀里

會仙觀 卽白石山會仙巖舊志云田坵糧米均經吳令清查康熙戊子年梁觀培送葛稚川戶坐落石步村田一百坵糧米一石二斗六升三合零又祖遺下都里陳村地面田七坵又僧寂彬募買下都里容天祿戶容宗赦戶與一林豐戶共收入陽明觀戶坐落容村地面二十五坵糧米五升又僧白會買下秀里陳以尙戶猶里堡全堯戶蛤田一坵糧米二升陳好戶下秀里猶村九坵糧米五合又陸禪遠等施陸衆

戶梁村田十三坵又祖遺下木脚田四坵又祖遺下周塘梁村清墩塘等田十六坵俱收入陽明觀戶又陳兆典送入會仙巖陳立暹戶田七坵與府志所載同但府志無下都里陳村地面田七坵清光緒間學堂興起白石山寺租多爲學界所撥用

壽聖寺 在縣南七十里白石山前有石坊署曰白石洞天四大字內三寶殿後閣三間中祀觀音左文昌右關聖寺自明正德間李嘉言甘振陸俊同建嘉靖三十九年郡庠陸子環施子章黃子守瀚陸子坦應楊子森信士一本楊子林重修陸子環並自捐金置奉祀香黃虎臣有記黃毓奇有募置

香火祀田記皆詳紀文乾隆間知縣吳志綰清查寺田坵穀給印簿與常住僧牧管其祀田坐落白石山地面四百一十坵龜鼈禾倉寨塘二口寺邊石脚至啞公岩上左右一帶冲田不計坵數燕子冲田一段皆祖業又知府劉浩施根竹坳周塘梁村等田三百八十一坵根竹洞田一冲個當田一冲嶺尾旱田一冲黃山田一段詳免差糧蔣延英施陳宗明戶坐落梁村根竹地面十七坵糧米一斗二升二合八勺零僧又以普買受周扶晚戶坐落梁村地面八坵木根冲一冲糧米一斗二升縣丞職黃陽敏施黃茂戶坐落思背村地面二十七坵糧米三斗僧以普買受陸衆戶韋馱嶺脚一十五坵

又第三產等田十三坵糧米一升貢生黃龍德施黃嘗戶田坐落陽林村地面一分承耕二十八坵二分承耕十九畝織籬口田一段三分承耕十九畝根竹村租禾田三百餘担共糧米一石六斗一升二合又衆緣買受太寧堡壽聖戶粘坡等三十七坵粘坡田土名二十六處共糧米一石一斗八升三勺一抄世興堡陸衆戶大王神底至冲表一段糧米一升下都里四冬陸會歌戶坐落鷓鴣村田八坵糧米二升五合陽秉顯等施海乘戶荔枝大田一坵僧照源買受蔣禪宗坐落乾冲村十一坵糧米二升僧海潤募捐府城小南門外上股街舖二間租銀十二兩

石賓興作三里學堂經費三里者上秀中秀下又撥在城鋪

戶若干間入桂平高等小學堂下秀里莫村亦有壽聖寺府志

龍興寺 在中秀里耀村創自明朝

鎮寧廟 在中秀里澁山村創建無攷道光同治年間重修

大王廟 在中秀里周塘村秀一里亦有此廟宜一里有大王寺

黃石廟 在中秀里羅歲村道光七年創建

鎮溪廟 在中秀里蕉木河村乾隆五十八年建道光三年

同治八年皆重修

三界廟 在中秀里周塘村

北帝廟 在中秀里蘇洞墟訪以上冊

桂平縣志卷十五

紀地 壇廟

三一

粵東編譯公司承印

夾山寺 在縣南下秀里亭子堡志舊乾隆二十六年重修訪冊

三皇廟 在下秀里亭子堡志舊

福壽寺 在下秀里莊宅堡清風山中志舊明代創建清咸豐

十年重修訪冊一在周村堡志舊

永康寺 在下秀里周村堡志舊

鎮安寺 在下秀里臺洞堡明天啓間鼎建清道光三十年

重修訪舊志冊及

雷衙 在下秀里臺洞堡志舊

雷衙大廟 在下秀里木骨橋村雍正六年重修創建無攷

鎮安寺 在下秀里陳冲村明弘治間建清代屢修訪以上冊

三聖寺 羅元寺 太平寺 俱在下秀里猶里堡 舊志攷廟兼壇

里墟

三聖寺 在下秀里猶里堡猶里村乾隆間創建光緒間重修

太平寺 在下秀里猶里堡猶里村明萬歷年間創建清同治十三年重修

預福寺 在下秀里陳冲村創自明代道光年間重修 以上訪冊

福餘寺 在下秀里陳冲村 舊志

壽聖寺 在下秀里莫村堡 舊志

餘慶寺

桂平縣志卷十五

紀地 壇廟

三二

粵東編譯公司承印

福興寺

以上二寺俱在下秀里羅集村創自清初

鎮龍寺 在下秀里高山村清初鼎建

鎮興寺 在下秀里大地村創於乾隆二十六年嘉慶四年

道光二十六年均重修

合福寺 在下秀里合水村

鎮南寺 在下秀里油蔴墟乾隆間創建道光七年重修

慶安寺 在下秀里鄭村順治二年創建

萬壽寺 在下秀里上寨村創自明世清同治六年重修 訪冊

盟真寺 在下秀里甘洞堡勒竹墟北郊自明正德間創建

清代屢修冊訪秀一秀二里各有此廟二盟疑當作明訪以上冊

鎮興寺 在下秀里上周堡兼舊志壇墟里廟

慶全寺 在下秀里鄭村創自康熙間有古銅鼓一冊訪舊志

作慶泉寺

萬壽寺 在上都里景樂村三座三間開明萬歷年間創建

北帝寺 在上都里耀團村兩座三間開建於明代

廣福寺 在上都里天堂村亦創建於明代設以上冊

碧宵寺 在中都里都合村吳梓祖施田於乾隆三十二年

閏二月收入本寺寶林戶攷舊志墟里兼

南昌寺 在中都里羅播村南岸寺宇左有文昌右有大王

桂平縣志卷十五

紀地 壇廟

三三

粵東編譯公司承印

廟志舊

雷祖廟 在中都里八伯村廟前有泉冬溫夏涼飲者多壽

志舊屬中都里志舊

永豐寺 在中都里八伯村志舊屬中都里志舊

太甲寺 在中都里古歐村志舊

萬壽寺 在下都里梁村創自明嘉靖年後地址屢移乾隆

七年遷建今地並買置租田大小十五畝嘉慶七年復於寺

後購地一幅推廣規模於是年冬月告成郡庠生梁瑄有紀

三界廟 在下都里上盧村嘉慶十二年建

三界寺 在下都里鳳岡村

北帝廟 在下都里麻洞墟乾隆二十六年歲辛亥建

盤古廟 在下都里麻洞墟乾隆三十六年建

鎮隆寺 在下都里下盧村道光十三年建

永壽寺 在下都里石馬村建自明朝清康熙同治間前後

均重修

石龍廟 在下都里思樂村明天啓十三年建

鎮泉寺 在下都里思樂村道光十五年建

松林寺 在下都里思樂村咸豐七年建

壽佛寺 在下都里鳳岡村

獨珠寺 在下都里諫知村明萬歷四十一年建

桂平縣志卷十五

紀地 壇廟

三四

粵東編譯公司承印

燈明寺 在下都里卑頭村明萬歷四十一年建

登豐寺 在下都里陳客村建自前明乾隆庚辰重修

秀林寺 在下都里思培村

東明寺 在下都里社康村創自雍正年間嘉慶戊辰重修

光緒十八年重修進士姚鍾璜有記詳紀文

洞心寺 在秀一里洞心墟

茹山寺 在秀一里長稠堡

盟真寺 在秀一里峽口村

鎮寧廟 在秀一里新定村

洞真寺 在秀一里中和墟

福興廟 在秀一里上冲村

扶冲寺 在秀一里上冲村

靈陽觀 在秀一里六石村

三界廟 在秀一里陳村

大王廟 在秀一里沙坡墟

金停寺 在秀一里中斷村心

福壽寺 在秀一里桃李山

盟真寺 在秀一里竹瓦村

馮聖宮 在秀一里寵村

路村寺 在秀一里路村

桂平縣志卷十五

紀地 壇廟

三五

粵東編譯公司承印

三界廟 在秀一里下冲村

廻龍寺 在秀一里平盖村

南鄉寺 在秀一里南鄉村

萬壽寺 在秀一里社平村

廻龍廟 在秀一里留蘭坵

盟真寺 在秀一里韋村

廻龍廟 在秀一里呂水

茆山寺 在秀一里勒嶺村

福壽寺 在秀一里桃李山姚鍾璜有序

萬壽寺 在秀一里上國村

廻龍寺 在秀一里大冲村

盤古廟 在秀二里羅秀墟

鎮龍寺 在秀二里鷄公山

高堂寺 在秀二里獨堆堡

長壽寺 在秀二里灶門

得勝社 在秀二里石塘冲

保鎮寺 在秀二里旺世

大悲寺 在秀二里下寨村

保真寺 在秀二里路房

金華寺 在秀二里長頭

桂平縣志卷十五

紀地 壇廟

三六

粵東編譯公司承印

龍真寺 在秀二里路塘

盟真寺 在秀二里東界一在蒙冲一在六夏

城隍廟 在秀二里舊有三連座兩廻廊羅秀舊傳為秀州

以廟證之應然今土人破其廟矣以上俱訪冊

玉皇堂 在崇姜里甘村舊志

玉皇寺 在崇姜里南涿墟二里三座三開門

石佛寺 在崇姜里佛案下有石筍二三舊志

寶山寺 亦名仙沙寺在城東北約十里崇姜里內背近大

江面向五指山距崇姜里和社村里許山似螺獅形寺在其

低凹處創建無攷向奉大士北帝康熙年間加祀文昌乾隆

嘉慶相繼脩葺增建魁星閣歷數十年逐漸傾覆道光壬寅里人復新之邑紳黃體正爲記勒石寺田係崇姜里屯衛元帝觀戶米四斗差銀二錢四分嶺瘠田大小一百一十七坵雙嶺頭田大小十坵攬塘田大小二十三坵田以六大分耕每分租穀八百五十觔共租五千一百觔舊志如此而府志雙嶺頭田大小二十三坵無攬塘田之名與舊志稍歧但總數則同耳

錄舊志並參黃體正重修寶山寺記

甘王廟 在縣北二十五里崇姜里北河大藤峽弩灘上之北岸旁建甘王祖堂正殿奉祀甘王王名佃象州古車村人有叔名陸征南漢有功拜護國將軍佃好施濟歿而爲神宋

稱惠濟候元稱甘聖公明則稱王或有稱甘將軍者出於鄉人之侈陳神烈誤以甘陸甘佃兩人之事爲一人之功也廟自明成化開建於鹿嶺之顛康熙初年移建今地廟分上下正殿三間深三層爲上水二十八鄉所建頭門及旁倉俱附近諸鄉村所捐築同治八年八月燬於火邑人蒙培齡等倡捐重修以十二年壬申夏四月落成象州鄭獻甫邑人陸培齡咸有記詳紀文

錄舊志並

致廟碑 廟有銅鼓一面其神最爲鄉人所信仰自縣城以及崇姜里各鄉皆結壇迎神拜禱並昇巡街道歲以爲例弩灘水嶮舟楫往來亦以時拜祝清之末世新學家多持無神之論道員莊蘊寬所至毀撤偶像以博時

名每言潯州知府彭言孝不通時務彭不悅以爲毀神取譽事亦何難會城民接神巡遊遂執王像於署前焚之神道設教之義至是衰微而盜賊縱火殺人劫財掠色之事日甚一日可概矣夫無神之論出於儒家之別派有天不明神不靈之說自周秦以至於清自命爲儒者莫不宗之而道佛之教乃潛行於民間不知孔子固主有神論者見於三百篇及大小戴記者不一而足即論語所云未能事人焉能事鬼曰敬鬼神而遠之未嘗直言爲無神不過爲中人以上言之當謀自力不求他力猶佛之大乘教空諸因果天堂地獄苦樂不分祇問自心清淨與否云爾若根器淺薄之人則不可以不

知因果故儒教自中人以下不可以不畏鬼神試問自清末以來以至今日握大柄居要津者爲中人以上者多乎抑中人以下者多乎平民而不畏鬼神猶敢於縱火殺人况握大柄而居要津者既不知道德之可樂復不知鬼神之可畏洪水猛獸烏得不漫衍於國中也

附攷

甘將軍正廟在陽壽縣北七十里公家富饒務賑濟一夕夢一神人告之曰汝處心公平幽冥已錄姓名公自是不治產業公兄弟謂之分其已分之田責其自治公乃縛數茹人立於田旁次日祝之插蒔已畢衆神之一日聚諸鄰

曰吾已厭於世矣卽瞑目而亡紀勝地甘陸象州古車村人

有智略時柳州爲南漢所据詔陸出征每以術得捷拜護

國將軍及歸里決禍福先知如神州人立廟祀之又甘佃

陸之姪也家富好施貧而無告者未嘗少吝著靈異決禍

福無不奇中一日聚鄰里曰吾厭世矣示衆以修身事言

訖瞑目而逝鄉人設廟像祀之後封惠濟感應侯元和加

惠濟顯應聖公明加封王號國朝道光咸豐間叠顯靈跡

靖寇安民事聞勅封威靈王列入祀典地方官春秋致祭

象州志

太寧寺 在崇姜里三鼎上寺三座三間開

訪冊

桂平縣志卷十五

紀地 壇廟

三九

粵東編譯公司承印

登高廟 在縣北宣一里五洞嶺高黎嶺前瞰大江遠近村

原回互形勢殊勝

錄舊志山川壇廟並攷

東平廟 在縣北宣一里八冬村遠望平河翠林環抱登高

縱目山光水色遙映於東南數百里間蓋里中一靈秀區也

錄舊志壇廟並攷墟里

太平寺 在縣北宣一里爲五洞十二村議事公所舊志按下

秀里亦有太平寺

三界廟 在縣東北江口墟

舊志

三寶寺 在縣北宣一里古秀排村兩座三間開左右有廊

有古鐘一明隆慶四年鑄

李王廟 在縣北宣一里下獠村兩座三間開

列聖廟 在縣北宣一里六山村兩座三間開有廊

列聖宮 在縣北宣一里江口墟頭兩座三間開

武聖廟 在縣北宣一里三家村兩座三間開

武帝廟 在縣北宣一里兩座三間開左右有廊

武帝廟 在縣北宣一里尋線村兩座三間開

關帝北帝廟 在縣北宣一里思蔭村一名思蔭廟

萬靈廟 在縣北宣一里盤石村三座三間開左有樓祀文

昌右閣祀關羽有古鐘一明萬歷年間鑄

三聖宮 在縣北宣一里江口墟

桂平縣志卷十五

紀地 壇廟

四十

粵東編譯公司承印

萃聖宮 在縣北宣一里上盤石村兩座三間開

文昌閣 在縣北宣一里護村道光年間創建知府孫世昌

題聯文成錦句歸天籙氣溢珠光貫斗杓額曰星輝六府

谷山廟 在縣北宣一里古程村兩座三間開左右有廊

玉皇廟 在縣北宣二里武靖村之東

馮聖宮 在縣北宣二里武靖村附玉皇廟

馮聖宮 在縣北宣二里安衆村兩座三間開

甘王廟 一名馬河廟在縣北宣二里風門坳內七里許兩

座三間開

觀音廟 在縣北宣二里大宣墟之南半里許兩座三間開

有左廊

北帝祖廟 在縣北宣二里馬廟村之東一里許兩座三間

開

雷王祖廟 在縣北宣二里思宜村東北隅兩座三間開有

右廊

大王寺 在縣北宣二里武靖村之東兩座三間開

關帝廟 在縣北宣二里吉嶺村兩座三間開 訪以上冊

觀音廟 在縣北宣二里羅坪村 訪志及冊

三官寺 在縣北宣二里羅行寺 并舊志壇里廟

永興寺 在縣北宣二里上甘村 並舊志壇里廟

桂平縣志卷十五

紀地 壇廟

四一

粵東編譯公司承印

馬侯廟 在紫山隘口內數里 志舊

忠義祠 在縣北宣二里新墟光緒癸巳北河二里公建 志府

三界廟 在縣北宣二里彩邊村兩座三間開 又有一在

大宣墟卽新墟三座三間開右有廊 冊訪

盤古廟 在縣北宣二里界洞村之西南半里許兩座三間

開 冊訪 又一在孔村兩座三間左右有廊

金仙寺 在縣北宣二里羅旺寨村邊兩座三間開左右有

廊爲里內永安甲歲時會祭之所建於明萬歷年間有古鐘

可認始在中寺嶺後合華封洲之雷王三界二廟遷建於此

分而爲二金仙其左雷王其右三界附焉嘉慶九年重修洪

秀全起時燬於火咸豐二年重修始合爲一黃榜書有記詳

紀文
冊訪

桂平縣志卷十五

紀地
壇廟

四二

粵東編譯公司承印